



Societas Iesv Amatrix, Cultrix, Imitatrix, Christi Crvcifixi

Sandaeus, Maximilianus

Antverpiae, 1647

141. Ad ostensam sibi in fine vitae imaginem Christi Crucifixi rubore suffunditur & pedes ejus exosculatur, Alphonsus Rodriguez, Hispanus, Coadjutor, Janitor.

Nutzungsbedingungen

[urn:nbn:de:hbz:466:1-55449](#)

DECAS XV.

I.

AMATOR CRUCIFIXI

*Ad ostensam sibi in fine vita imagineum
Christi Crucifixi, rubore suffundi-
tur; & pedes ejus exosculatur.*

ALPHONSVS RODRIGVEZ Hispanus, cum in matrimonio plures annos vixisset, eo jugo demum, obitu conjugis, liber, Societatem Iesu ambivit, in quam admislus, anno ætatis suæ xli. eodem ipso Majoricam missus est, ubi reliquam deinceps ætatem in laboribus domesticis exercitam, quippe Coadjutor temporalis, atque imprimis in Janitoris munere, quod xxx. annos sustinuit, usque ad vitæ suæ annum lxxxvii. transegit. Rarà fuit tolerantiâ, ut CRUCIFIXI Amatorem agnoscas: injurias ærumnasque, quæ totis xlvi. annis plurimæ obvenerunt, pertulit patientissimè; adeò, ut nullum unquam minus pacati animi signum visus sit dedisse.

Sæpiissimè ei Virgo DEIPARA cum Filio apparuisse dicitur. Utrique profectò fuit perfamiliaris: utrumque vocabat suos lepores, suos amores, suas delicias. Cum utroque familiariter tractabat:

141.
ALPHON-
SVS RODRI-
GVEZ
Coadjutor,
Hispanus.
Janitor.

bat: tantâ animi teneritudine, & sensu de iis agebat, ut eosdem affectus in circumstantes suscitaret. Anno vitæ extremo semper decubuit, tresque ultimos menses, ab uno se latere versare se prorsus non valuit, multis doloribus, iisque acutissimis, calculi præsertim cruciatus. Sed ille animo semper ex celso, majores etiam à Deo poscebat; & frequentissimè iterabat verba illa, quæ ab iisdem doctus erat dicere: JESVS-MARIA, dulcissimi Amores mei! O utinam patiar! Ô utinam vestri amore moriar!

Sacro inunctus oleo, alienatus à sensibus in profundissimâ quâdâ ecstasi perstitit ferè per triduum. Quo tempore auditus est nihilominus frequenter dicere: O dulcis JESV! ô dulcissima Mater mea! Eo exacto, cum Sacerdos CRUCIFIXI imaginem jam morienti applicaret, ille quasi somno excitus, sustulit oculos: &, quæ prius semper palluerat: faciem, nunc specioso rubore suffusam. Tandem CHRISTI pedes religiosè ex oscularius, invocatoque JESV, placidissimè expirauit, die XXXI. Octob. anni M. DC. XVII.

Compendium Vita B. S. Imago primi Sac. Se-
cier, lib. 1, cap. 5.